

2 TIMOTÉO

Hállúvúeháámi Timotéo éllevu Páávoru caátúnuháámi

Duurúvaju

¹ Oo Páávoru o íjcyáábekée Píívyéébe oke ityújkevéélléne picyóó Jetsocríjtoke mecáhcujsómé múijyú medsíjivéjúcúoóityúne bóhí meújúné uwááboju úwááboobéré o péhíjcyaki. ² Aabe íñe tsiíñe íhyaami diéllevu ó caatúnú ávyeta tájtsiménédú uke o íjtsúcunúúbeke mítyane o wájyuube Timotéo éllevu. Aane óvíi uke Máavyéjuube Jetsocríjtój Caani Píívyéébe pámeeke ídaatsóllédú íjcyaaabe píaabó ímí u íjcyaki.

Críjtodítyú Páávoru úwaabóne

³ Áánéllii páijyuvaré Píívyéébeke píaabó díhyallúvú ó táúmeíhíjcyá panévá hallúvúré téhdújtsoobére. Áábeke tsaímíyé ó íícúvehíjcyá íínerí íjtsámeítyuube méíhdé múnáaúvúu íícúvehíjcyáábeke. ⁴ Aabe ó ítsáávehíjcyá éhnée uke o pícyoíñúneri ídátso u kímoovéne. Áánéllii ó imíllé uke o ájtyumíné o ímíjyúúveki. ⁵ Muurá ó waajácú ímí Píívyéébeke u cáhcujsóné díityáállée Róoidámúpí díítsííju Eonítsema cáhcujsódu.

⁶ Muuráhjáa díhyallúvú táhójtsicu o pícyóóne dííbyeke píaabó o táúmeíñé tujkéveri uke díbye píááboobe ú piivyété dííbyé wákimyéí u méénune. Áánéllii uke o néé ímíñeúvú teene u méénuki.

7 Tsáháa Píívyéébe Íapííchó mépañévú pícyootú meíllityéki. Mépañévúu pícyoobe téénej tééveri íhtsutúmé meíjcyá íñevú táhjátsámeítyúmé ímiááméré meíjcyame mewáyjújcatsíki. 8 Ahdícyane núcojpiílétuubéré dúwáábohíjcyá Jetsocrijtodítýú íjcyáné uwááboju. Áhdure íñe tééné déjúcotu cúvéhóójari o íjcyáneri núcojpivétuubéré Píívyéébedívú cátsípáávéne téhdure tééné déjúcotu u ícúbáhrámeíyóné daabúcu. 9 Muuráhjáa tsúúca meke ipájtyetétsómeke ímiáámedi dibye díllome meíjcyá dííbyeéjte. Tsáháa idyé íñá ímiááné meméénúnéllii meke dibye újcutúne. Muuráhjáa ihdyu tsúúcajatújuco ííñujíi íjcyátúné ihdéjuco meke iwáyjúne dibye íjtsámeíñé Críjtoj tééveri meke iújcuíñe. 10 Áhdújucóo dííbyeke iwállóóneri meke dibye úújetsóné ímiááné meke iwáyjune. Aabée mééma ímíbajchó mépée mewágóóóvéiyóne. Áánemáa méhdivu bóhówajcároobe múijyú medsíjivéjúcúoíityúne bóhí meújcuíñe uwááboju.

11 Aane íñe úwááboobéré ó pehíjcyá jodíómú íjcyátúmeke okée Píívyéébe níwaavédújuco.

12 Aabe tééné déjúcotu páhduvaré nénéhjiri o ícúbáhrámeíyoobe tsá o núcojpivetú dííbyedívú o cátsípáávénema. Muurá ó waajácú oke dibye píááboíñe tsiíñe Jetsocrijtó tsááíñévújuco.

13 Ahdícyane ímíñevú dííbyé uwááboju cáhcújtsóne duráávýé muhdúhjáa uke o úwaabódu. Ááne pamévakéré wajyu Críjto meke wáyjudu.

14 Aabe óvíi Píívyéébéé uke ityújkevélééne

níwáávéné wákimyéí ímíñeúvú ú meenú dííbyé Apííchó mépañe íjcyane uke píáábóneri.

¹⁵ Áánetúu Áátsiá iíñújí cahcújtso múnáadítyú tsaate oke náhbénuhíjcyarómé óhdityu péémema téhdure Pijééromútsí Hemóójenémá pééhií. Aane muurá tsúúca ú waajácúhi. ¹⁶ Áánetúu Onetsííporo píváijyúvá oke aahívejé 'bohíbohíúvú' cuvéhóójari o íjcyane núcojipíllétuubére. Áábedi óví Píívyéébe íídáátsóvéne píaabó panévatúré pámeekéré íítsíímema. ¹⁷ Íllevúhjáa Róómávu wájtssiibe íjcyátútsihdyu oke néhcoobéré ipyéhíjcyané níjcaúvú ájtyúmité cuvéhóójari o íjcyáábeke. ¹⁸ Aane muurá uure ú waajácú muhdúhjáa meke díbye píáábohíjcyané Éépetsóri meíjcyámútsikye. Ahdu óví dííbyeke Píívyéébe píaabó Ávyéjuube Jetsóó itsáácooca tsaímíyé dííbyeke iújcuci.

2

Muhdú uwáábojte íjcyane

¹ Aane óví Píívyéébe uke píaabó íñe Críjtoke mecáhcújtsónéjcutu u íhtsútúúveki, Llihíu Timotéoj. ² Aabe íhdyu muhdúhjáa mítyáméj pñnévú o úwaabóné u wáájane tsíjtyeke ímíñeúvú duwáábó téhdure díityéréjuco iúwáábo tsíjtyeke.

³ Áané wákimyéiyi u ícúbáhrámeíyonéhjí imíchi díícyáne daabúcu híjcyá díibyéjuco Jetsocríjtó wákimyéí múnáajpi u íjcyáábe. ⁴ Tsá muurá tsodáhó íimíllédú íjcyatú pevéjté íjcyadu. Muurá íhdyu íavyéjuube muhdú néhdújuco díbye íjcyane. ⁵ Muurá tsáne íicuri ímíñeúvú íicutúmé tsá tééne

áhdó újcutúne. ⁶ Áánetu úmihéneri wákímyeímyé ibájtsó kéémécooca ujcú téene tájpi íjcyaki. ⁷ Íllu íñe uke o néhijcyáné cáhawáá ímíñeúvú dijtsó Píívyéébe páneere úhdivu íbóhówájtsoki.

⁸ Cáhawáá dijtsúcunu muhdúhjáa Jetsocríjtó míamúnáá icyánéjcutu Dabíiúvúj tsíiménémúhaabe íjcyabe idsíjívétsihdyu tsíiñe bóhíine. Áábedítýú íjcyáné uwááboju íñe méúwáábohíjcyá pajtyéteju. ⁹ Ááné hallútú muurá éhne múúne dsíjívétso múnáájpickye icyúvéhoojánúdú oke míamúnaa cúvéhoojánube ó ícúbáhrámeíhijcyáhi. Árónáa téené uwááboju tsúúca pahúllevávúré tsújaavéné tsá múha muhdú méénúityuróne. ¹⁰ Áánéllii o ícúbáhrámeíyonéhjí ó aabúcuíjcyá Píívyéébéé újcúmeke o úwáábo múijyú muhdú íjcyáityúmeréjuco Jetsocríjtoj tééveri ípájtyeteki.

¹¹ Íllu muurá nééne ímiáánéjuco:

Críjtoke mecáhcujtsómé medsíjívécooca íñé imíjyaú dííbyema meíjcyááhi. ¹² Áhdure meícúbáhrámeíyonéhjí maáábúcúhajchíí dííbyema máávyéjúúteéhi. Áánetu dííbyeéjté meíjcyane metóónúmeíhajchíí téhdure tóónúiibye ihñéjté meíjcyaróne. ¹³ Muurá múhdurá medáríívémeíyónáa íjcyaduré ímiáábé íjcyánéllii meke píáábohíjcyáabe.

Ímiá uwáábojte

¹⁴ Áánéllii ímíñeúvú duwáábó míamúnáake Ávyéjuube Jetsóó mémeri ditye átéréénéhjíri ityáhjájcatsíjyúcoótuki. Muurá ténéhjíri

íllure tútávátsohíjcyámé ímiá uwááboju lléébóiyómeke. ¹⁵ Áánetu ímiá uwááboobe u íjcyaaabe ímíñeúvú dúwáábohíjcyá ímiá uwááboju íínerí núcójpívétuubéré Píívyéébedívú u úújetéki. ¹⁶ Átéreénéhjí ditye úbállécatsíhíjcyáneri díícúvedíñe. Muurá ténéhjiri éhniíñevu iye tútávátsohíjcyáme. ¹⁷ Ááné uwááboju muurá míamúnáadi tsújaavéné íllure díityéké tútávátsohíjcyá éhne múúne cheme méjpiíyi líiyaaténé meke tútávajtsódu. Muuráhjáa Himenéomútsikye Piréétoma téené uwááboju tútávajtsóhi. ¹⁸ Aamútsí muurá nehíjcyá meeva medsíjívémé tsiíñe mebóhíjúcóóityúne. Ááneri cahcújtso múnáake tsíñejcúvuréjucu dítyétsí íbúwátsohíjcyáné tsíhdyuréjucu iúwáábóneri. ¹⁹ Árónáa méwaajácú íllu tene nééneé: “Píívyéébe waajácú ihñéjteke.” Áhdure nééneé: “Pámeere Críjtoéjté tsáhájucu ímityúné méénúityuróne.” Ehdú Píívyéébe waajácúháámitu nééneé.

²⁰ Muurá tsájá pañe tsá apááñéré ímiááné wáábyuta óórótuú, tsítsííné uwáñewáánetuu, méénúmeíñé líiyíhllóné íjcyatúne. Téhdure muurá íjcyáné átéreénéhjí wáábyuta úméhetuu, núpájkityuu, méénúmeíhllóji. ²¹ Ahdu muurá ímityunéhjí méénújúcootúmé ímiááameréjucu íjcyámej tééveri Píívyéébe meénú íwákimyéi.

²² Ahdícyane ihdyu díícúvedí ováhtsámú íbúwatu ímityúné íjtsaméi tsíñáávehíjcyáneri. Ímiáábéré díícyáne ímíñeúvú duráávyé u cáhcújtsojijto. Ááne

pamévamáyé wajuújcatsi múhdumé ímiááméré ijcyáne dííbyedi tsúúrameíhíjcyámema íbúwajíí ámuha meíjcyaki. ²³ Tsá múu íícúvetú átéréénéhjiri míamúnaa táhjácatsíhíjcyáneri. Muurá ú waajácú téeménéhjí níjkeváne úhbajcátsivúréjuco. ²⁴⁻²⁵ Tsá tene ímityú Píívyéébé wákimyéí méénume úhbajcatsíñe. Pamévamáyé ímiááméré ijcyáne aabúcuhijcyáiyá ímityunéhjí íjcyaróne. Ímiááméré mítyájkímyeítyúmé chooco úwáábóiyá tsaate ímityúné íjcyámeke Píívyéébé piáábori ditye ímíjpyeténe iwáájácu ímiá uwááboju. ²⁶ Ááne ditye íjchívye Naavéné hójtsí pañétú ímillédú dibye diityéké dáriívehíjcyánetu.

3

Muhdíivané míamúnaa íjcyáíñe

¹ Áánetu wajácútsi díícyaco. Muurá nihñéetsihvúré páneere tsíhdyuréjuco cápáyóóvéíñé úmíwari míamúnaa ímityúné íjcyááhi. ² Imílleímyé tsaímíyé íjcyá mítyane idsíídsíváiyóne. Mítyákímyeíhíjcyáímye. Ááne nehniwu Píívyéébedítyú íhgyúváne dííbyeke meúráávyejító tsá ditye áveyjúúlléityúne. Áhdure tsá ditye cáánumu íjcyárómeke áveyjúúlléityúne. ³ Tsá muucá ditye wájuúityúne. Míamúnáadi nehniwu íhgyúvahíjcyáímye. Ímityúnéhjiri úmúúpívyehíjcyáímye. Íllure tsaríllehíjcyáímye páneere ímiááné íjcyane. ⁴ Iñáhbévahíjcyárómeke ímityúné dáriíveímye. ‘Meíhméí’ néeme

Píivýéébedi íícúvetúmeré iye tsaímíyé íjcyáíyóneri tsúúrámeíhíjcyááhi. ⁵ Pánehjídú dííbyeke meúráávyejító úráávyeímye. Áronáa tsá ditye ímiáánetúré cáhcújtsóityúne. Áámedi tsá múu íícúvetúne. ⁶ Muurá téeméjtéjuco míamúnáake íáhíívéne álliuré úwáábohíjcyáne. Ááneri walléemuke mútátsohíjcyámé ímityúné íjtsaméi íjcyame ténehjíré líííñémeke. ⁷ Aane diityé uwáábó úráávyerómé tsá mújyú wáájácúityú keená ímiááné íjcyane. ⁸ Tehdúhjáa muurá ápííchojtétsí Jáánémutsi Jááberémá Moitséeúvú úwaabóné ehdíívállehíjcyáhi. Ahdu néeme íjtsaméiúvú wáájácúmeityúmé tsá íícúvehíjcyatú Píivýéébé uwááboju ímiáájú íjcyáneri. ⁹ Ároméi wáájácúúvétsáméií ímityúné imyéénuhíjcyanéúvú diityétsíhjáa ápííchojtétsí imyéénuhíjcyanéúvú wáájácúúvétsámeídyu.

Timotéoke éhnííñevu Páávoru úwaabóne

¹⁰ Áánetu ihdyu ímí tehdújuco u ícyahíjcyané ukée o úwaabódu. Aabe muurá ú waajácú muhdú o ícyahíjcyáne, muhdú o íjtsáméíñe, muhdú Críjtoke o cáhcujtsóne, panévare oke pájtyéronéhjí o áábúcu híjcyáne, pamévakéré o wájyuhíjcyáne, o úwáábóné déjúcotu o ícúbáhrámeíyonéhjí o áábúcu híjcyáne. ¹¹ Muurá ú waajácú muhdúhjáa Ajtiokíía múnaa, Icóónío múnaa, Ríítará múnaa, óhdi ícúbáhráronéhjí o áábúcu híjcyáne. Áhdure ú waajácú muhdúhjáa Píivýéébe oke ténéhjitú pátyetétsohíjcyáne. ¹² Aane ímiááné íhnáhóóné Jetsocríjtoke meúraavyéné meímillémé tééné

déjúcotu meícúbáhrámeíñe. ¹³ Áánetu ímityúmé állíu múnáa íjcyame ávyétá tútavááveréjuco méénume míamúnáake éhníñevúré állihíjcyá muhdú ímityúnehjívú iállítsámeíhijcyádu.

¹⁴ Áánetu ihdyu ímíñeúvú duráávyé ukée o úwaabóné tsúúca u wáájacúne. ¹⁵ Muurá ímí tehjújuco tsííménédítyúré u wáájacúné Píívyéébé uwááboju muhdú íwaajácúháámitu nééneé. Aane uke túkévéjtsóneri tsaímíyé Jetsocríjtoke u cáhcújtsoobe ú pájtyéteéhi. ¹⁶⁻¹⁷ Muuráhjáa Píívyéébé uwááboju íwaajácúháámitu íhgyú uubálle múnáa caatúnú dííbyere túkévéjtsóneri meke tene iúwáábo keená ímiáájú íjcyane, téhdure meke tene ityúkévéjtsó keená álliúré íjcyánetu, áhdure meke tene iúwáábo múhdurá meícyahíjcyánetu meímíbaávyéne ímiáámé dííbyema meíjcyame ímiánéhjiréjuco meméénuki.

4

¹ Muurá Ávyéjuube Jetsocríjtó íhtsútuube íjcyabe tsiíñe tsaá pámeere míamúnáa dsíjívéjúcóóróméhjíma muhdú ícyahíjcyané ímímbájchoki. Áánéllí dííbyee, Píívyéébeé, íjcyámútsí úmíwávú uke o néé dííbyedítyú íjcyané uwááboju pájyuvaré u úwáábohíjcyá ihdícyajcójí íjcyaróne. ² Ímíñeúvú múhdurá néérónéhjí pañe óvéhéetuubéré cáhcújtsótúmeke chooco duwáábó muhdú tene néhdújuco. Áánetu cáhcujtsójúcoorómé múhdurá ícyahíjcyámeke íhnáhóónécoba duwáábó dítye ímíjpyeteki. ³ Muurá íjcyaiñé míamúnáa

ímiá uwááboju íhvéjtsóne ímíllehíjcyádú átéréénéhjí uwáábojtékeréjucó néhcoíñe. ⁴ Aame úúbállénéhjiríyéjucó íjcyame ílluréjucó íhvéjtsóíñe ímiá uwááboju. ⁵ Áánetu ihdyu ímiáábéré díícyáne daabúcu híjcyá ímítyunéhjí uke pájtyeróne. Ááne dúwáábohíjcyá ímiáájú pajtyéteju míamúnaa icyáhcujtsocki. Ehdu ímíñeúvú méénuhíjcyá díwákimyéíjyucó íjcyane.

⁶ Muurá íñe tsúúca téeneri o ícúbáhrámeíhíjcyánetu ó wáyéeevéhi. Aabe wahájchotáréjucó o íjcyánetu o dsíjívéíñe. ⁷ Tsúúca íñe okée Píívyéébe níwáávéné wákimyéí o méénúnetu ó níjkéváhi. Aabe dííbyeke o cáhcujtsóné tsá o íhvéjtsotúne. ⁸ Áánéllii Jetsocríjtó ímiáábé íjcyaaabe tsiíñe itsáácooca téene áhdó oke ávyéjútsoóhi. Árónáa tsá apáábyekéré oke dibye ávyéjútsoityúne. Pámeere múhdumé ímiááméré íjcyáne tsaímíyé dííbyeke téhmehíjcyámeke téhdure ávyéjútsoííbye.

Timotéoke Páávoró túkévejtsóne

⁹ Aane óvíjyucó íícúí oke duhjéva. ¹⁰ Muurá oke náhbénuhíjcyarómé péjucóó óhdityu. Déema péjucóó Tetsaróonicávú íjienéré ímíllehíjcyánéllííhye. Áhdure Cretséété péjucóó Garáátsiá íiñújivu. Áhdure Tíito péjucóó Damáátsiá íiñújivu. ¹¹⁻¹² Áánetúu Tííkicyóké ó wallóó Éépetsóvu. Apáábyeréjucó Róóca óhdivu cóeváne. Áánéllii uke o néé kiá Mááco íjcyáábeke u néhcóne óhdivu u tsíva oke dibye táwákimyéityu ipiááboki. ¹³ Aabe

néhi u tsáácooca óhdivu tsiva Tóróóavúu Cáápo jávú tátsuucójama táwaajácúhaamíné o pícyoiñúne. Tsáma dábájívedí ímichi tápañétúéhaamíjí íjcyane.

¹⁴ Áánetu uke ó úúballé Arejáádo ro ímityúné oke dáriivéné éhne úwáñewáánetu panévaré méenuhíjcyaaábe. Áábema ihdyu óví Píívyéébe ímíbajchó teéne. ¹⁵ Áábeke téíbúwá díícyaco. Uke mújtátsódiíbye. Muurá íñe meúwáábohíjcyané ehdíívállehíjcyaaábe.

¹⁶ Aanée muurá pámeere oke náhbénurómé óhdityu pééné boone ímityúnéhjí ímíbajchojté úmíwávú o íhjuváváabeke tsá múha oke píáábotúne. Árómeke néhi tsá íná pájtyéityú tééné hallútu.

¹⁷ Muuráhjáa ihdyu Píívyéébe oke píáábóneri pajtyéteju o úwaabóné tsújaavé pámeere jodiómú íjcyátúrómedívu. Áhdurée oke pájtyetétsoobe oohímýé oke dóóiyónetu. ¹⁸ Aabe muurá oke panévatúré téhmeé tsáímíyé íavyéjuri dííbyema níjkyéjiri o íjcyaki. Áábeke metsu maávyéjútso múijyú níjkéváityúne. Ehdu teéne.

Páávoró pítyajcóne

¹⁹ Aane oóma duubállé Píríícama Akííramútsikye o dúúruváne. Téhdure Onetsííporóké pámeere ítsíímema ó duurúváhi. ²⁰ Téhdure uke ó úúballé Coríítovúu óhdityu Eráátó cóeváne. Áánetúu Tóróópimo chéméébeke ó pícyoiñú Miréétovu.

²¹ Áánéllíi uke o née íicúí únínjyabái íjcyátúné ihde u tsáákíí. Téhdure uke ó úúballé ílletu uke ditye dúúruváne Eobóoro, Podéétee, Ríínoó, Cáráóódíaa, íjcyame. Téhdure pámeere tsíjtyehjí ménahbémú uke

duurúváhi. ²² Ahdícyane óví Píívyéébema Ávyéjuube
Jetsocríjtomútsí pámeekéré ámúhakeye píaabóhi. Áyu
tehdújuco.

Píívyéébé ihju: jetsocríjyodítyú cáátúnuháámi
New Testament in Bora (PE:boa:Bora)

copyright © 2008 Wycliffe Bible Translators, Inc.

Language: Bora

Translation by: Wycliffe Bible Translators, Inc.

Boara [boa], Peru

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Bora

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files
dated 29 Jan 2022

6f878dbd-e896-5e27-b788-1442926dfc48